

明·万历侯大节纂修

卫辉府志

第三册

点校

卫辉市地方史志办公室

中州古籍出版社

明·万历

卫辉府志

卫辉市地方史志办公室

卷之十·选举志下

荐辟

马祥汲县人，洪武中以贤良举，仕至知县。邵实新乡人，洪武中以才干举，仕至金事。校周宾辉县人，洪武初以人材举，仕至御史。田秉文辉县人，洪武九年以人材举，仕至都御史。

例贡

杨环知县。陈宁光禄寺署丞。屈澄 刘富主簿。刘昇 张鲸知县。陈珏王弟。州判。张渊县丞。李馨文敏子。刘濫主簿。刘九思谕子。范元吉典仪。范澄清文登县丞。周臣吏目。王枰河子。主簿。徐来庭朝元子。吏目。靳崇儒章子。县丞。阮士方主簿。李有容需子。经历。吴文祐都事。赵汝诚元子。沙腾睿主簿。赵枢序班。张世禄涑水县丞。苏相利津主簿，封御史。张养蒙县丞。刘冲县丞。李云梯 张应祚相子。大名府通判。李叶州判。周行 张乾亨歧山县丞。蔡叔进杨金子。光禄署丞。周懋 周梦龙鎬子。兵马指挥。马绳祖汝彰子。蔡叔近 张贲亨。▲以上府学

张洗主簿。张衍祚衍庆弟。莱州府推官。张模 张检 李希桂序班。黄应魁 杨先功 徐养中可太子。李先进。▲以上汲县

梁璠通判。刘瓚知县。王怡州同。郭恺知县。张文美县丞。南锐主簿。王廷珪照磨。

赵存智吏目。

杨江审理。

潘士质主簿。

杨道充序班。

潘士朴铎子。

臧仕奉祀。

郭千之

主簿。

路衡珠子。遥授都事。

赵聘

南渭兵马指挥。

李惟馨

许国忠

路似典宝。

郭之屏庭梧子。

梁聘孟。

▲以上新乡

王泽主簿。

李昺

姜叙鸿胪序班。

冯表献县县丞。

张绅

靳臣吏目。

苏锦

李尚德贵子。蒲

州吏目。

郭宜雅州吏目。

冯玠

郭鹏遥授都事。

郭霈照磨。

刘思诚

李潘主簿。

李藩 李汝涤

主簿。

苏铭 胡纯县丞。

宋纪县丞。

刘世芳县丞。

马骥主簿。

郭希龄遥授都事。

张鲤主簿。

王同春

胡辅

李大经

李大纶

杨天禄

李蕊青州经历。

吴思敬

杨守仓经历。

李汝楫

王宾

刘世禄

刘世贤吏目。

李汝盐潮子。

刘世登

李芳春潮孙。

刘思齐世芳子。

姬秉礼

宋应期

纪子。

吉弼

常可辅

胡希召

吉佐

王同父逆子。

宋应召。

▲以上辉县

朱琰主簿。

王浩主簿。

汪钟

孟翱县丞。

张琰主簿。

郭本瑞巩昌通判。

王俊

傅绍 傅

应奎主簿。

李纶

常天祥主簿。

田显登

范玫嘉兴照磨。

郭承龙主簿。

王嘉孺州判。

汪应春

主簿。

李育春县丞。

张主善县丞。

常自省照磨。

李本重

田显第

贺盛时国定之子。

刘儒

刘淳 职一贯。

▲以上获嘉

杨洪县丞。

臧明主簿。

申昱

李宗政

冯珍

李恒

赵经

孙伯昌主簿。

窦金

裴得禄

王

珩 路鸾县丞。

李文炳

孙曙

路凤典宝。

王瑛

王道达兵马指挥。

路问津

靖简四方子。

赵国

奇。

▲以上淇县

王锦卫经历。

阎缟主簿。

阎纁主簿。

樊多能检校。

牛润蒲县知县。县志见『人物』。

王湖州

判。

崔洛成都检校。

王瑞

吴从众

王厂

董珠

王宠

刘惟贞瑤子。

李尚义。

▲以上胙城

封贈

邵甫新乡。以子实封监察御史。邢彬新乡。以子冕封户部郎中。吕通新乡。以子惟德封应天府丞。李淑

仪新乡。以子襄赠礼科给事中。郭志善胙城。以子亮曾南京户部郎中。王克让新乡。以子生封监察御史。李

常新乡。以子素赠监察御史。王忠淇。以子宣赠吏科给事中。戚泰新乡。以子宁封监察御史。周英汲。经历。

以子凤赠太平府知府。范锦新乡。以子浩赠经历。李钦淇。以子恭赠户部主事。刘恕汲。以孙璋赠都察院右

副都御史。刘英汲。百户。以子璋赠都察院右副都御史。张杰汲。御史。以孙衍庆累赠都察院左副都御史。

张继汲。参政。以次子衍庆累封都察院左副都御史。王德汲。以孙嵩赠都察院右副都御史。王信汲。通判。以子

嵩封都察院右副都御史。李聪汲。以长子雯封监察御史。以次子霆封汝府左长史。樊亮胙城。以子祉赠江西道监察

御史。陈漠汲。知州。以子晔赠奉直大夫。陈俊汲。以子玉封灵璧县知县。李海新乡。以子光翰赠户部给事

中。刘瑞汲。同知。以子希召赠盐运司同知。刘瓚汲。以子希龙赠监察御史。李成汲。以子文敏封思南府知

府。徐章汲。训导。以子朝元赠刑部员外郎。潘虎新乡。以子铎赠兵科给事中。阮泉汲。教谕。以子吉赠监

察御史。范鉴汲。县丞。以子师曾赠户部主事。马整汲。以子英封淮安府通判。王大章获嘉。以子良辅赠知

县。周廷汲。光禄寺署正。以子镐赠池州府知府。马图汲。举人。以子汝彰赠刑科都给事中。钱真汲。以子

贯赠太仆寺丞。张铎新乡。教授。以子揖赠锦衣卫指挥。刘玘汲。百户。以子希稷赠沅州知州。戴贵汲。以子

子纓赠昌邑县知县。祁泰汲。以子鲸赠容城县知县。戴纓汲。同知。以子延容赠按察司金事。魏瑁辉。以子

安赠府军卫经历。王煦辉。以子迺赠陇西县知县。王福汲。以子堂赠真定府同知。蔡润汲。以孙杨金赠浙江

左布政使。蔡荆玉汲。以子杨金累赠浙江左布政使。刘纪胙城。州判。以子瑶赠监察御史。潘雄汲。以子继

光封户部主事。张彝汲。以子相封巩昌府推官。郭恺获嘉。以子本端赠兵马指挥。张谨淇。教授。以子悌赠

光禄寺署丞。

黄荣洪。以子裳赠卫经历。

谷钟荻嘉。以子裕赠兵马指挥。

张相汲。知州。以子应祚赠奉直大

夫。

伦理洪。以子经赠卫经历。

苏相汲。主簿。以子朝宗封监察御史。

杨淮汲。以子守纶封遵化县知县。

王鹤汲。以子家相赠宝坻县知县。

路浚新乡。以子珠赠户部郎中。

冀贵辉。以子国赠唐山县知县。

郭炫

汲。教谕。以子郊封顺德府推官。

靖安洪。教授。以子四方累封刑部员外郎。

尧相汲。以子允和赠乐亭县知县。

贺春荻嘉。以子国定封知州。

郭从可新乡人。会宁、范县训导。以子庭梧封广东道监察御史，赠南京通政使司通政。

梁大朝新乡。以子问孟封西安县知县，赠^(一)。

刘仲德汲。以子易从封户部郎中。

王曰可汲。寿官。以子三宅

封蒲圻县知县。

崔永吉辉。以子斗瞻封昌邑县知县。

张麒汲。以子守乾赠西安府推官。

傅太汲。以子崇明赠

恩县知县。

录 荫

刘钺汲县人，珏子。乐亭县知县。

刘希文汲县人，璋子。鸿胪寺序班。

张朴、张概汲县人，俱衍庆子，未仕，卒。

戚 畹 附

张楫新乡人。以女为世宗继后，授都督。

张澍楫子。袭锦衣卫指挥。

赵汝诚汲县人。以女为世宗妃，授锦衣卫

指挥。

周可立汲县人。以女入侍大内，授京学训导。

李春江阴人。以女为汝安王妃封兵马指挥。

仪卫司副。

晋文通汲县人。以女为汝安王次妃，授^(二)。

李春江阴人。以女为汝安王妃封兵马指挥。

李枝

綽纶子。袭锦衣卫镇抚。

马汝扬汲县人。汝安王灵寿郡主仪宾。

李兰辉县人。汝安王新乡郡主仪宾。

秦恺辉

县人。周惠王兴平郡主仪宾。

校记：

〔一〕按，原书「赠」后无内容，应是抄漏所致。

〔二〕按，原书「授」后无内容，应是抄漏所致。

卷之十一·人物志上

贤哲

殷 微子 微，国名；子，爵也。名启，帝乙长子，纣庶兄。纣淫乱于政，微子数谏不听，欲死之。及去，未能自决，谋于箕子、比干。及比干谏而死，微子曰：『父子有骨肉而臣主以义属。故父有过，子三谏不听，号而随之；人臣三谏不听，则其义可以去矣。』于是，箕子乃劝微子去。遂行。武王既克殷，复其位如故。周公承成王命，诛武庚、禄父，乃命微子代殷后，奉其先祀，作《微子之命》以申之，国于宋。

箕子 箕国，子爵。名胥余及马融、王肃以为纣之诸父，服虔、杜预以为纣之庶兄；一以为亲戚。纣始为象箸，箕子叹曰：『彼为象箸，必为玉杯。玉杯不已，则必思远方珍怪之物而御之矣。』与马宫室之渐自此始，不可振也。其后，纣果为淫泆。箕子谏，不听，或曰：『可以去矣！』箕子曰：『为人臣，谏不听而去，是彰君之恶而自说于民，吾不忍为也。』乃被发佯狂而为奴。纣囚之。武王既克殷，释其囚，访问以天道，箕子以《洪范》陈之。箕子不忍周之释，走之朝鲜。《郑氏日记》：『我君而释已，嫌苟免也。』武王闻之，因以朝鲜封之而不臣也。其后箕子朝周，过故殷墟，感宫室毁坏生禾黍，箕子伤之，欲哭则不可，欲泣为其近妇人，乃作麦秀之诗以歌之。其诗曰：『麦秀渐渐兮，禾黍油油兮，彼狡童《史记》云『纣也』兮，不与我好兮。』殷民闻之，皆为流涕。

比干 纣诸父，为少师。见箕子谏不听而为奴，则曰：『君有过而不能死谏，则百姓何辜？』乃直言谏纣，三日不去。《韩诗外传》：『纣作炮烙之刑，王子比干曰：「主暴不谏，非忠也；畏死不言，非勇也。见过即谏，不用即死，忠之至也！」遂谏，三日不去朝。』纣怒曰：『吾闻圣人之心有七窍，信有诸乎？』乃遂杀之，剖而视其心。武王

既克殷，封其墓。唐贞观十九年，再封之，赠太师，谥忠烈。

商容 卫人，殷之贤者。纣弃不用，隐于太行。及周师入，见毕公至，商民曰：「是吾新君也。」容曰：「非也！」视其为人严乎，将有急色。故君子临事而惧。」见太公至，民曰：「是吾新君也。」容曰：「非也！」视其人，当敌将众，威严自倍，见利即前，不顾其后。故君子临众，果于进退。」见周公至，民曰：「是吾新君也。」容曰：「其人忻忻休休，志在除贼，是非天子，则周之相国也。」见武王至，民曰：「是吾新君也。」容曰：「然！圣人为海内讨恶，见恶不怒，见善不喜，颜色相副，是以知之。」武王既克商，命为三公，容固辞不受。及卒，武王表其闾。

周 太公望 吕尚。谯周云：「姓姜名牙字尚，炎帝之裔，伯夷之后。伯夷佐禹治水，有功，赐姓曰「姜」，以绍炎帝之后，封之于吕。子孙从其封姓。吕尚，其后也。」《索隐》曰：「尚是其名，牙是字。文王得之，号「太公望」。」汲人，《史传外纪》等皆谓东海人。少穷困，敏而智。老而屠牛朝歌，货于棘津。《说苑》云：「行年五十，卖食于棘津。」《路史》云：「卫有棘津。有卖浆台，行年七十，屠牛朝歌。」避纣居东海之滨。闻文王善养老，迁于渭滨，隐渔钓。文王将出猎，卜之曰：「所获非龙非虬，音搞，神兽，非熊非黑，非虎非貔，所获霸王之辅。」于是文王乃斋三日，田于渭阳，卒见太公坐茅以渔。文王劳而问之，曰：「子乐渔邪？」太公曰：「君子乐得其志，小人乐得其事。今吾渔甚有似也。」文王曰：「何谓其有似也？」太公曰：「缙微饵明，小鱼食之；缙绸饵香，中鱼食之；缙隆饵丰，大鱼食之。夫鱼食其饵，乃牵于缙；人食其禄，乃服于君。故以饵取鱼，鱼可以揭；以禄取人，人可杀；以家取国，国可拔；以国取天下，天下可毕。」文王大说，曰：「自吾先君太公曰「当有圣人适周，周以兴」，子真是邪？吾太公望子久矣。」故号之曰「太公望」。载与俱归。立为师，阴谋修德以倾商政，其事多兵权与奇计。后佐武王平殷乱，修周政，与天下更始，师尚父谋居多。授丹书之戒，封于齐都营丘。太公虽封留，为太师，卒葬于卫。所著有《阴符铃录》一卷，《阴谋》三十六卷，《金匱》二卷，《六韬》六卷，凡二百三十七篇，谋八十一篇，

言七十一篇，兵八十五篇。子孙世侯于齐。凡三十君七百四十四年。

甯越 卫人。躬耕甚劳，尝问于友曰：『何由免此苦也？』友曰：『勤学三十年可免。』越曰：『请人将食，吾不食；人将寝，吾不寝。如是十五年，以当三十年，可乎？』后果博通群籍。齐宣王师之，拜为上卿。

甯戚 卫人。家贫不遇。欲干齐桓公，穷困无以自进。于是为商旅，赁车以适齐，暮宿于郭门之外。桓公郊迎客，夜开门，辟赁车者执火甚盛，从者甚众。甯戚饭牛于车下，望桓公而悲，击牛角，疾商歌，曰：『南山矸，白石烂，中有鲤鱼长尺半。生不逢尧与舜禅，短布单衣才至骭。从昏饭牛薄夜半，长夜漫漫何时旦。』桓公闻之，抚其仆之手曰：『异哉！此歌者非常人也。』命后车载之。甯戚见，说桓公以合境内；明日复见，说桓公以为天下。桓公大说，将任之。群臣争之曰：『客，卫人。去齐五百里，不远。不若使人问之，固贤人也，任之未晚也。』桓公曰：『不然。问之，恐其有小恶，忘人之大美，此人主所以失天下之士也。且人固难全，权用其长者。』遂举，大用之。管仲请立为大司田，后迁相国。所著有《相牛经》一卷。

甯速 卫人。仕卫，为正卿，即庄子也。懿公好鹤，狄人伐卫。卫人曰：『使鹤。鹤实有禄位，余焉能战？』狄遂杀懿公而灭其国。速乃立戴公申，以庐于曹。戴公立数日，卒。复立其弟燬，是为文公，迁于楚丘。君子曰：『不殄康叔之祀，庄子之力也。』

甯俞 卫人，庄子子，即甯武子，为大夫。当文公有道之时，无事可见。及晋执成公归于京师，置诸深室，武子职纳橐籥焉。晋使医衍酖公，武子货医使薄其毒，卒保其君。孔子称之曰：『邦有道则知，邦无道则愚。其知可及也，其愚不可及也。』

弘演 卫人。初受君命于外，未返。狄人逐卫懿公于荧泽。见杀。尽食其肉，独舍其肝。演使还，报于肝所，辞毕，呼天而号，尽哀而止，曰：『若臣者，独死可耳！』遂自剖出其肝，以内懿公之肝。乃死。

孔达 卫人。初，晋以卫之救陈也，讨焉。使人弗去，曰：『罪无所归，将加而师。』孔达曰：『苟利社

稷，请以我说。」遂缢而死。卫人以说于晋而免。卫人以为成劳，复室其子，使复其位。

北宫文子 名佗，卫人，为大夫，相卫侯。如楚，见令尹围之威仪，言于公曰：「令尹似君矣，将有他志。虽获其志，不能终也。」公曰：「何以知之？」对曰：「《诗》云：『敬慎威仪，维民之则。』令尹无威仪，民无则焉。民无所则，以在民上，不可以终。」公曰：「善！」其后果如文子之言。

公叔文子 公孙枝也，一名发。卫人，仕为大夫。为人廉静，时人称其「不言」「不笑」「不取」。尝荐家臣僎为大夫，同升诸公。其卒也，子戍请谥于君，曰：「日月有时，将葬矣。请所以易其名者。」君曰：「昔者卫国凶饥，夫子为粥与国之饿者，是不亦惠乎？卫国有难，夫子以其死卫寡人，不亦贞乎？夫子听卫国之政，修其班制，以与四邻交，卫国之社稷不辱，不亦文乎？宜谥「贞惠文子」。」孔子称其「可以为文」。

孔圉 卫人，为大夫。治宾客，交睦邻国，卫赖以不丧。卒谥文子。子贡问曰：「孔文子何以谓之「文」也？」子曰：「敏而好学，不耻下问，是以谓之「文」也。」

太叔仪 即文子。卫人，仕为大夫。孙林父之逐献公，文子守国。献公复国，使人让文子曰：「寡君淹恤在外，二三子皆使寡人朝夕闻卫之言，君独不在，寡人怨矣。」对曰：「臣知罪矣。敢忘其死。」乃行，从近关出。公使止之。他日，公孙免余有功，公使为卿，辞曰：「太叔仪不贰，能赞大事，君其命之。」乃使文子为卿。

公子荆 卫人，仕为大夫。其为居室，始有，曰：「苟合矣。」少有，曰：「苟完矣。」富有，曰：「苟美矣。」孔子称其善居室，吴季札以为君子人也。

史鱼 名鲋，字子鱼，卫人，仕为大夫。公叔文子朝于灵公，请公享于其家。鲋曰：「子必祸矣，子富而君贫。」文子曰：「然其若何？」鲋曰：「无害。子能执臣礼，犹可以免。富而能臣，必免于难。戍也骄，其亡乎！」鲋尝谏灵公，去弥子瑕而用蘧伯玉，不从。鲋病革，命其子曰：「吾在卫朝，不能进蘧伯玉退弥子瑕，是吾为臣不能正君也。生不能正其君，则死无以成礼。我死，汝置尸牖下。」其子从之。灵公往吊，疑而问焉。其

子述其言以对，公愕然曰：『是寡人之过也！』于是，进伯玉而退子瑕。孔子闻之，曰：『古之谏者，死则已矣，未有如史鱼死而尸谏，忠感其君者也，可不谓直乎？』按，《说苑》：『仲尼曰：「史鮒有君子之道三：不仕而敬上，不祀而敬鬼，直能曲于人。」』

蘧伯玉 名瑗，卫人，仕为大夫。为人恭俭笃礼，夜行，过公门必下。灵公尝与夫人夜坐，有车当阙无声。

公谓夫人曰：『知车为谁？』夫人曰：『必蘧伯玉也！』何以言之？『伯玉，卫之笃礼者也！夫礼，下公门，式路马。今车当阙无声，是下门也。非伯玉，谁能暗行而不废礼？』公使问之，果然。行年五十而知四十九年之非，行年六十而化。孔子每至卫，必主其家。《史记》：『孔子之所严事，于卫则蘧伯玉。』常称之曰：『君子哉，蘧伯玉！邦有道则仕，邦无道则可卷而怀之。』按，《家语》：『孔子曰：「外宽而内仁，直己而不直人，以善自终，盖蘧伯玉之行也。」』《淮南子》：『蘧伯玉为相，子贡观之，曰：「何以治国？」曰：「以弗治治之。」于是简子欲伐卫，使史黯往觐焉，还报曰：「蘧伯玉为相，未可以加兵。」固塞险阻，何足以致之！』《说林》：『公子家对卫灵公曰：「蘧伯玉，请恭以事上，忠信以宰物。苟便于君而利于民，则导而行之；便于民而拂于君，则委曲而通之。务得百姓之欢心以事一人，是社稷之卫也。」』

颜雠由 一名浊邹。卫人，仕卫，为大夫。孔子至卫，尝主于其家，因受业焉。《史记·孔子世家》云：『如颜浊邹之徒，颇受业者，甚众。』

子鲜 名鱣，卫献公母弟，素以贤行见信于国。献公见逐，出奔齐。甯喜当国，素重子鲜，乃听其言，复献公。献人，而背其言杀甯喜。子鲜曰：『逐我者出，纳我者死。赏罚无章，何以沮劝？君失其信而国无刑，不亦难乎？』且鱣实使之。遂出奔晋。公使止之，不可。及河，又止之。鱣乃止使者而盟于河，托于木门，不向卫国而坐。木门大夫劝之仕，不可，曰：『仕而废事，罪也。从之，昭吾所以出也。吾不可以立于人之朝矣！』遂终身不仕。

公孙免余 卫人，为大夫。献公归，甯喜专政，公患之，公孙免余请杀之。乃与公孙无地、公孙臣谋使攻甯

氏。弗克，皆死之。公曰：『臣也无罪，父子死余矣！』免余，复攻甯氏，杀甯喜及右宰谷，尸诸朝。公与免余邑六十，辞曰：『惟卿备百邑，臣六十邑矣。下有上禄，乱也，臣弗敢闻。且甯氏惟多邑，故死。臣惧死之速及也。』公固与之，受其半，以为少师。

石祈子 卫人，为大夫。时宋猛获出奔卫，宋人请之，卫人欲勿与。祈子曰：『不可。天下之恶一也，恶于宋而保于我，保之何补？得一夫而失一国，与恶而弃好，非谋也。』卫人遂归获。初，石骀仲骀仲，卫大夫卒，有庶子六人，卜所以为后者，曰：『沐浴佩玉则兆。』五人者皆沐浴佩玉。石祈子曰：『孰有执亲之丧而沐浴佩玉者乎？』不沐浴佩玉，石祈子兆。卫人以龟为有知也。

南文子 卫人，史逸其名，仕卫，悼公为大夫。贤而有智，虑无遗算。昔智伯欲伐卫，遗卫君野马四百、璧一本白璧。卫君大说，群臣皆贺，南文子有忧色。卫君曰：『大国大欢，而子有忧色，何？』文子曰：『无功之赏，无力之礼，不可不察也。野马四百、璧一，此小国之礼，而大国致之，君其图之。』卫君以其言告边境，智伯果起兵袭卫，至境而反，曰：『卫有贤人，先知吾谋也。』智伯又欲袭卫，乃佯亡其太子，使奔卫。南文子曰：『太子颜为君君，谓智伯子也，甚爱而有宠，非有大罪而亡，必有故。』使人迎之于境，曰：『车过五乘，慎勿纳也。』智伯闻之，乃止。

柳庄 卫人，为太史。初，献公自夷仪返于卫，及郊，将班邑于从者而后入。柳庄曰：『如皆守社稷，则孰执羁勒而从？如皆从，则孰守社稷？君返其国而有私也，毋乃不可乎！』弗果班。及寝疾，献公曰：『若疾革，虽当祭，必告。』及告，公再拜稽首，请于尸曰：『有臣柳庄也者，非寡人之臣，社稷之臣也。闻之死，请往。』不释服而往，遂以禭之，与之邑裘氏与县潘氏，书而纳诸棺，曰：『世世万子孙毋变也！』

石碚 卫人，为大夫。初，庄公之子州吁有宠而好兵，公弗禁，碚谏之弗听。后州吁弑君，碚之子厚与之。厚及州吁如陈，碚使人告于陈，曰：『此二人者，实弑寡君，请即图之。』陈人执之，碚使右宰醜杀州吁于濮，使

獬羊肩杀厚于陈。君子曰：『石碯，纯臣也，恶州吁而厚与焉。大义灭亲，其是之谓乎？』

哀骀它 卫人。貌恶而有名。鲁哀公召而观之，果骇异。授以国政，期月而政教大行。仲尼闻之，曰：『是必才全而德不形者也。』详见《庄子》。

卜商 字子夏，卫人。笃信谨守，序诗传易，稽古志礼。在孔门，居文学科。孔子尝许其『可与言诗』，亦尝属其传《春秋》。老而居于西河，教授焉，魏文侯师之。所著有《诗大小序》、《周易传》十卷。唐赠魏侯，宋封魏公。

高柴 字子羔，卫人，孔子弟子。长不盈五尺。为人笃学有法，事孔子未曾越礼，足不履影，启蛰不杀，方长不折。执亲之丧，泣血三年，未尝见齿。为成宰，有兄死而不为衰者，闻子羔将至，遂为衰。成人曰：『蚕则绩而蟹有匡，范则冠而蝉有缕，兄则死而子羔为之衰。』子羔葬其妻，犯人之禾，申祥以告曰：『请庚之。』子羔曰：『孟氏不以为是罪予，朋友不以为是弃予，以吾为邑长于斯也。买道而葬，后难继也。』为卫士师，别人之足。俄而卫有蒯聩之乱，子羔逃之，走郭门，刖者守门，谓子羔曰：『彼有缺。』子羔曰：『君子不逾。』又曰：『彼有窞。』子羔曰：『君子不隧。』又曰：『于此有室。』子羔乃入焉。既而追者罢，子羔将去，谓刖者曰：『吾不能亏主之法而刖子之足，今吾在难，正子报怨之时，而逃我者三，何哉？』刖者曰：『断足，固我之罪。昔公之治臣以法，临当论，君愀然不悦，岂私臣哉？天生君子，其道固然，此臣之所脱君也。』孔子闻之曰：『善哉！为吏其用法一也。』思仁恕则树德，加严暴则树怨，公以行之，其柴乎？』盖其为人，智不足而厚有余，故夫子称之为『柴』也愚。唐赠共伯，宋封共城。侯二子：伯虎，叔豺。

端木赐 字子贡，卫人，以言语称。天性颖悟，料事多中。其学有博而人约，晚年得闻性道，一贯之。传尝使于夫子，能存鲁乱齐，破吴强晋，而霸越。所至国君无不分庭抗礼。然好废举，与时转货货。喜扬人美，不能匿人过。尝宰信阳，相鲁、卫。卒终于齐。世传《越绝书》十六卷，谓为所著。唐赐黎侯，宋封黎公。

公孙龙 字子石，卫人，或作楚人。齐田常欲为乱，将移其兵以伐鲁。孔子欲止其兵以存鲁，子石请行，孔子弗许。后封枝江侯，宋王曾赞子石『钜贤采微博古』，又云『弥缝中道，协辅斯文』。著书六篇，号《公孙龙子》。按，本书多坚白同异之论。首称龙，六国时辩士，且云赵人。又谓龙与孔穿会，穿为孔子七代孙，则子书之，龙非孔门弟子明矣。抑或有二人，先后不同时，与《史记·荀卿传》注乃谓孔子同时，或云在其后，所以知非别人也。岂未之深考耶！

狄黑 字皙，卫人。唐赠临济伯，宋封林宪侯。

句井疆 字子孟，卫人。唐赠淇阳伯，宋封濫阳侯。

奚容箴 字子皙，卫人。唐赠下邳伯，宋封济阳侯。

荣旂 字子祺，卫人。唐赠雩娄伯，宋封厌次侯。

廉洁 字庸，卫人。唐赠莒父伯，宋封胙城侯。

▲以上五贤，《史记》云『不见书传』。

琴牢 字子开，一名张。一字子张。卫人。孟子曰：『琴张、曾皙、牧皮，古之狂者也。与子桑、户孟之反为友。』唐赠南陵伯，宋封平阳侯。

■以上十贤俱孔门弟子，从祀庙庭。

李音 卫人。子思荐于卫君，曰：『卫有李音者，贤而有实者也。』君曰：『其父祖何也？』答曰：『世农夫也。』卫君笑曰：『寡人不好农。农夫之子，无所用之。』子思曰：『臣称李音，称其贤才也。周公大圣，康叔大贤，今鲁卫之君未必皆同其祖考。李音祖父虽善农，则音亦未必与之同也。今君不问李音之所以为贤才，而闻其世农夫因笑而不受，则君取士果信名而不由实者也。』卫君屈而无辞。

吴起 卫人。好用兵，尝学于曾子，仕于鲁。齐人攻鲁，鲁欲将起，而起娶齐女，疑之。起遂杀妻以明不与齐，鲁卒以为将而攻齐，大破之。或恶之，曰：『起，猜忍人也。』于是鲁君疑之，谢起。起闻魏文侯贤，欲事

之。文侯问李克曰：『吴起，何如人哉？』克曰：『起贪而好色。然用兵，司马穰苴不能过也。』于是文侯以为将，击秦，拔五城。起之为将，与士卒最下者同衣食。卧不设席，行不骑乘，亲裹赢粮，与士卒分劳苦，能得士心。乃以为西河守，以拒秦、韩。文侯卒，起事其子。武侯浮西河而下，中流，顾而谓起曰：『美哉，山河之固，此魏国之宝也！』起对曰：『在德不在险。若君不修德，舟中之人尽敌国也。』武侯曰：『善。』即封起为西河守，有声。后惧罪，去之楚。楚悼王素闻起贤，至则相楚。明法审令，捐不急之官，废公族疏远者，以抚养战斗之士。要在强兵，破驰说之言从横者。于是南平百越，北并陈蔡，却三晋，西伐秦。诸侯患楚之强。故楚之贵戚尽欲害起，及悼王死，宗室大臣作乱而攻起，起走之王尸而伏之。击起之徒因射，刺吴起，并中悼王。所著有《吴子兵法》二卷。

苟变 为卫将。初，子思言变于卫侯，谓其材可将五百乘。公曰：『吾知其可将。然变曾为吏，赋于民而食人二鸡子，故弗用也。』子思曰：『夫圣人之官人，犹匠之用木也，取其所长，弃其所短。故杞梓连抱而有数尺之朽，良工不弃。今君处战国之世，选爪牙之士而以二卵弃干城之将，此不可使闻于邻国也。』公再拜受教。

赵秋 字子武，朝歌人。轻财好施。邻人李玄度母死，家贫无以葬。秋曰：『赴死生救不足，吾之本心也。』家有二牛，遂以与之，玄度得以葬母。他年，秋夜行，见一老母，与秋金一饼，曰：『子能葬我，是以相报。』子五十以后当富贵不可言，幸勿忘玄度也。』后果如母言，官至极品。

汉 向栩 字甫兴，朝歌人，长之后。长自有传，见《隐逸志》。少为书生，性卓诡不伦。恒读《老子》，状如学道，不好语言而喜长啸。宾客从就，辄伏而不视。郡礼请辟，举孝廉、贤良方正、有道，公府辟，皆不就。又与彭城姜肱、京兆韦著并征，栩不应。后特征至，拜赵相。及之官，时人谓其必当脱素从俭，而栩更乘鲜车、御良马，世疑其始伪。及到官，略不视文书，舍中生蒿莱。征拜侍中，每朝廷有大事，侃然正色，无所挠屈，百官惮之。

杜诗 字公君，汲人。少有才能，性至孝。初为郡功曹，以公平称。更始时，辟大司马府。建武元年，岁中

三迁，为侍御史，安集洛阳。时将军萧广，放纵兵士，暴横民间，百姓惶扰，诗敕晓不改，遂格杀广。还以状闻，世祖召见，赐以荣戟。复以平河东贼功拜成皋令。视事三岁，举政尤异，再迁为沛郡都尉，转汝南都尉，所在称治。七年，迁南阳太守。性节俭而政治清平，以诛暴立威，善于计略，省爱民役。造作水排，铸为农器，用力少，见功多，百姓便之。又修治陂池，广拓土田，郡内比室殷足。时人方于召信臣，故南阳为之语曰：『前有召父，后有杜母。』视事七年，政化大行，雅好推贤，数进知名士清河刘统及鲁阳长董崇等。十四年，病卒。司隶校尉鲍永上书，言诗贫困无田宅，丧无所归。诏赙绢千匹。

赵咨 字文楚，南燕人。父畅，为博士。咨少孤，有孝行。盗尝夜劫，咨恐惊母，迎盗谢曰：『老母病须奉养，乞少置衣粮。』妻、子、物，一不敢留。盗惭，叹曰：『所犯无状，干暴贤者。』遂奔出，咨追以物与之，不及，由此知名。灵帝朝累官敦煌太守，又拜东海相。在官清简，计日受奉，豪右畏其俭约，皆畏惮之。

三国 杨俊 获嘉人。举茂才。历安陵令，迁南阳太守。宣德教，立学校，吏民称之。徙为征南军师。转中尉。黄初二年，以市不丰乐下狱。遂自杀。

晋 孙登 字公和，汲郡共人也。无家属，于苏门山为土窟居之，号苏门先生。夏则编草为裳，冬则被发自覆。善长啸，好读《易》，抚一弦琴，见者皆亲乐之。性无喜怒，人或投诸水中，欲观其怒，登既出，便大笑。人见之，与语不应。时时游人间，所经家或设衣食者，一无所受，辞去皆舍弃。魏文帝闻之，使阮籍往观，见其人拥膝岩侧，籍登岭就之，箕踞相对。问之，佷然不应。与商略终古及栖神导气之术，皆弗答。籍因对之长啸，良久，乃笑曰：『可更作。』籍复啸，意尽，退还半岭许，闻上犹然有声，如数部鼓吹，林谷传响，顾看，乃向人啸也。嵇康又从之游三年，问其所图，终不答，康每叹息。将别，谓曰：『先生竟无言乎？』登乃曰：『子识火乎？火生而有光，而不用其光，果在于用光乎？人生而有才，而不用其才，而果在于用才乎？故用光在乎得薪，所以保其耀；用才在乎识真，所以全其年。今子才多识寡，难乎免于今之世矣！』康不能用，卒如其言。